



**Gemeinde / Cumegn
Albula/Alvra**

Lescha da natiralisaziun digl cumegn Albula/Alvra

**acceptada dalla radunanza communal digls 9 d'otgover 2015
e messa an vigour per igl 1. da december 2015**

**Revisiun parziala dalla radunanza communal igls 27 da favrer 2019
e messa an vigour per igl 1. da matg 2019**

Artetgel 1 Validitad dalla lescha

Chesta lescha regla igl proceder da natiralisaziun tenor la legislaziun da natiralisaziun cantunala¹.

Artetgel 2 Premissas

Igl dretg da vischinadi communal pò neir do u siero a persungas cun domicil da an tot durant 5 onns aint igl cumegn d'Albula/Alvra, da chels igls dus davos onns avant tgi inoltrar la dumonda.

Tar natiralisaziun privilegeidas² e tar la nominaziun digl dretg da vaschign d'onour³ existan nignas pretensiuns da domicil communalas.

Ultra da chegl on igls petents d'adampleir las premissas da natiralisaziun materialas tenor la legislaziun federala⁴ e cantunala.

Artetgel 3 Cumpetenzza e procedura

La suprastanza communal eligia ena cumischung da treis persungas, tgi examinescha las dumondas da natiralisaziun, uscheia an spezial tgi las premissas da natiralisaziun materialas seian adampleidas.

La cumischung anveida igls petents digl exterior ad en discurs da natiralisaziun. Per cass mutivos pò neir desistia d'en tal. An chel cass dovrigl igl consentimaint antras igl uffezi competent cantunal.

Schi exista en basigns correspondent, ò li er en discurs da natiralisaziun cun en petent da provegnientscha svizra.

¹ Bürgerrechtsgesetz des Kantons Graubünden (KBüG; BR 130.100); Verordnung zum Bürgerrechtsgesetz des Kantons Graubünden (KBüV; BR 130.110)

² Art. 19 KBüG

³ Art. 15 ff. KBüG

⁴ Bundesgesetz über das Schweizer Bürgerrecht vom 20. Juni 2014 (BüG; SR 141.0); Verordnung über das Schweizer Bürgerrecht vom 17. Juni 2016 (BüV; SR 141.01)

La cumischung da natiralisaziun rapporta davart dallas singulas dumondas da natiralisaziun e sottametta ena proposta mutivada per mangs dalla suprastanza communal digl cumegn politic. Stat an tavla ena proposta negativa, ògl da neir do la pussebladad agls petents da piglier posiziun e da retrer la dumonda.

La cumischung da natiralisaziun tarmetta immediat ena communicaziun agl cantun, schi ella intervigna, tgi la natiralisaziun da persungas digl exterior è neida acquistada sottamang cun indicaziuns falladas u cun zuppantar fatgs considerabels. Chesta communicaziun ò da succeder igl pi tard otg deis siva dalla natiralisaziun.

Artetgel 4 Taxas

Per decisiuns ainfra la procedura da natiralisaziun vignan incassadas taxas tgi corvan igls costs, faschond adiever dalla legislaziun cantunala. La suprastanza communal relascha ena regulaziun correspondent. Ella pò decider differentas taxas per Svizras, resp. Svizzer, e per estras resp. esters. Per natiralisaziuns privilegeidas pon neir fixadas taxas pi bassas. Las taxas on da neir adattadas periodicamaintg allas expensas effectivas.

La suprastanza communal pò redutgier u relascher las taxas per unfants minorens, tgi vignan betg natiralisos ansemen cun igls genitours, scu er per persungas an scolaziun. Igl madem vala schi existan cass spezials.

Per l'elaboraziun dallas dumondas da natiralisaziun, pò neir pretandia en paiamaint anticipo anfignen en import an otezza dalla taxa prevedibla.

Artetgel 5 Cass spezials

An cass mutivos, pò la suprastanza communal regalar igl vischinadi u consanteir tal scu tetel d'onour.

Artetgel 6 Protecziun legala

Decisiuns negativas on da neir mutivadas cun l'indicaziun digls meds legals.


Artetgel 7 Vigour

La radunanza communal decida dall'antrada an vigour da chesta lescha.

Casti/Tiefencastel, igls 8 d' avregl 2019

Cumegn Albula/Alvra


Daniel Albertin
mastral


Maurus Engler
manader dall'administraziun